

JZU BOLNICA „SVETI VRAČEVI“

BIJELJINA

Broj: 5773/24

Dana: 21. 10. 2024. godine

Na osnovu člana 70. Zakona o javnim nabavkama BiH („Službeni glasnik BiH“ broj 39/14, 59/22 i 50/24) i člana 36. Pravilnika o javnim nabavkama JZU Bolnice „Sveti Vračevi“ Bijeljina, a povodom Otvorenog postupka broj 4762/24 za nabavku robe – Potrošni materijal za potrebe Službe za mikrobiologiju (broj obavještenja na portalu javnih nabavki: 106-1-1-371-3-219/24) nakon sprovedenog postupka javne nabavke i prijedloga Komisije za nabavku broj 5532-2/24 od 15.10.2024. godine, donosim

O D L U K U

o poništenju postupka nabavke

U skladu sa članom 69. stav (2) tačka a) Zakona o javnim nabavkama BiH poništava se postupak nabavke Potrošni materijal za potrebe Službe za mikrobiologiju broj 4762/24 za lotove: 1 i 2, jer nije dostavljena nijedna ponuda u određenom krajnjem roku.

U skladu sa članom 69. stav (2) tačka d) Zakona o javnim nabavkama BiH poništava se postupak nabavke Potrošni materijal za potrebe Službe za mikrobiologiju broj 4762/24 za lot 3, jer nijedna od primljenih ponuda nije prihvatljiva.

Obrazloženje

U postupku javne nabavke broj 4762/24 (broj obavještenja na portalu javnih nabavki: 106-1-1-371-3-219/24) za nabavku robe Potrošni materijal za potrebe Službe za mikrobiologiju po Otvorenom postupku, na protokol JZU Bolnice „Sveti Vračevi“ Bijeljina blagovremeno je pristigla 1 (jedna) ponuda:

- Ponuda „Mikro+polo“ d.o.o. Sarajevo za lot 3.

Komisija za nabavku imenovana Rješenjem broj 4762/24 od 03.09.2024. godine izvršila je javno otvaranje pristiglih ponuda, pregled, analizu i ocjenu ponuda, te konstatovala da za lotove 1 i 2 nije pristigla nijedna ponuda u određenom roku, te se navedeni lotovi poništavaju u skladu sa članom 69. stav (2) tačka a) Zakona o javnim nabavkama BiH.

Ponudu za lot 3 dostavio je jedan ponuđač „Mikro+polo“ d.o.o. Sarajevo i ista je nepravilna jer nije dostavljena u skladu sa odredbama tenderske dokumentacije, te je odbačena u skladu sa članom 68. stav (4) tačka i) Zakona o javnim nabavkama BiH.

Tačkom 4.3. tenderske dokumentacije navedeno je da dokumentacija koja je zajednička za više lotova obavezno sadrži između ostalog i:

- a) Izjavu ponuđača, potpisanu i ovjeranu od strane ponuđača, da ponuđena roba ispunjava standarde kvaliteta.

- b) Izjavu ponuđača da će, ukoliko se zahtjeva, uz prvu isporuku dostaviti MSDS – bezbjedonosne listove na jednom od službenih jezika u BiH
- c) Izjavu ponuđača da će dinamika isporuke biti prema potrebama laboratorije tj. porudžbenicama
- d) Izjavu ponuđača da će ukoliko zaključi ugovor sa ugovornim organom uz svaku isporuku za sve testove dostaviti uputstvo za upotrebu na službenom jeziku u BiH i važeći sertifikat o kvalitetu
- e) Izjava o uslovima plaćanja (ponuđač je dužan da izabere jedan od ponuđenih rokova plaćanja: 60/50/40/30/20/10 dana).

Ponuđač „Mikro+polo“ d.o.o. Sarajevo nije dostavio tražene izjave što njegovu ponudu čini nepravilnom.

Za dokazivanje tehničke i profesionalne sposobnosti tenderskom dokumentacijom je traženo da se dostavi: „*Katalog, izvod iz kataloga, analizni sertifikat ili drugi dokument iz kojeg se vidi da ponuđena roba odgovara tehničkoj specifikaciji. Navedena dokumenta mogu biti na jednom od službenih jezika u BiH. Ukoliko su na nekom drugom jeziku uz originalnu dokumentaciju je potrebno dostaviti i službeni prevod. Na dokumentima se mora navesti broj lota i stavke za koji se dostavlja ponuda. Ponuđači su dužni na dokumentima označiti sve karakteristike ponuđene robe tražene tehničkom specifikacijom tendera.*“

Ponuđač „Mikro+polo“ d.o.o. Sarajevo je u svojoj ponudi dostavio katalog, ali je na istom propustio navesti broj lota i stavke za koji se dostavlja ponuda. Takođe, ponuđač nije označio karakteristike ponuđene robe tražene tehničkom specifikacijom.

Nadalje, Tačkom 5.3. tenderske dokumentacije – Nacrt okvirnog sporazuma navedeno je:

„Sastavni dio ove tenderske dokumentacije je Nacrt okvirnog sporazuma, u koji su uneseni svi elementi iz tenderske dokumentacije. Ponuđači su dužni uz ponudu dostaviti potpisan Nacrt okvirnog sporazuma u koji su unijeli podatke iz svoje ponude, te parafirati sve listove Nacrta okvirnog sporazuma.“

Ponuđač „Mikro+polo“ d.o.o. Sarajevo je na stranicama 13.,14. i 15 svoje ponude dostavio Nacrt okvirnog sporazuma, ali u isti nije unio podatke iz svoje ponude kako je to traženo tenderskom dokumentacijom što njegovu ponudu čini nepravilnom.

Komisija je takođe konstatovala da je tehničkom specifikacijom tražen test za identifikaciju Mycobacterium tuberculosis complex iz tečnih MGIT podloga, a ponuđač „Mikro+polo“ d.o.o. Sarajevo je ponudio imunohromatografski test za brzu detekciju anti TB antitijela u serumu /plazmi/punoj krvi, što ne odgovara specifikaciji.

Zbog svega naprijed navedenog komisija konstatuje da je ponuda „Mikro+polo“ d.o.o. Sarajevo za lot 3 nepravilna, te se odbacuje u skladu sa članom 68. stav (4) tačka i) Zakona o javnim nabavkama BiH.

Pouka o pravnom lijeku

Protiv ove Odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da mu je u konkretnom postupku javne nabavke bila ili je mogla biti prouzrokovana šteta zbog nezakonitog postupanja ugovornog organa, a koje se u žalbi navodi kao povreda Zakona i podzakonskih akata od strane ugovornog organa u postupku javne nabavke. Žalba se može izjaviti u roku od 10 dana od dana prijema odluke o izboru najpovoljnijeg ponuđača. Žalba se izjavljuje na način propisan članom 99. Zakona o javnim nabavkama.



V.D. DIREKTORA

Prim. dr Mikajlo Lazić